

„Margt öðru vísi í Reykjavík ef Bæjarútgerðin væri ekki”

B.Ú.R. byggir nýtt frystihús við vesturhöfn

„BÆJARÚTGERÐ Reykjavíkur hefur skapað mikinn grundvöll að atvinnulífi í Reykjavík, og það væri margt öðruvísi í Reykjavík, ef Bæjarútgerðin væri ekki til,” sagði Birgir Isleifur Gunnarsson borgarstjóri í ræðu, sem hann flutti um borð í hinum nýja skuttogara B.Ú.R., Snorra Sturlusyni í gær, þegar starfsmenn B.Ú.R. og gestir fögnuðu komu skipsins. — Í ræðu borgarstjóra kom fram, að ákveðið er, að Bæjarútgerðin byggir nýtt frystihús við vesturhöfnina á Grandanum.

Fjöldi fólks var saman kominn um borð í skuttogaranum Snorra Sturlusyni í gær til að fagna skipinu. Voru þar flestir fastir starfsmenn B.Ú.R. og áhöfn skipsins, ásamt gestum. Höfið um borð í Snorra hófst með því, að Sveinn Benediktsson, formaður bygginganefndar skipsins, hélt ræðu. Sagði hann

m.a., að eins og öllum væri kunnugt, þá hefðu átt sér stað mikil mistök í byggingu skuttogara Snorra Benediktssonar, og hefðu þau flest verið í olíukerfi skipsins. En menn

hefðu lært af reynslunni, og komið hefði verið í veg fyrir slík mistök, á meðan byggingu Snorra Sturlusonar stóð.

Þessu næst tók borgarstjóri Framhald á bls. 18



Hér eru Birgir Isleifur Gunnarsson borgarstjóri, Guðbjörn Jensson skipstjóri og Þorsteinn Arnalds framkvæmdastjóri B.Ú.R. í brú Snorra Sturlusonar í gær. A efri myndinni flytur borgarstjóri ræðu sína. — Ljós. Mbl.: Sv. Þ.

Samið um 20 þús- und lesta ísfisksölu

SAMKOMULAG fulltrúa v-þýzkra togaraeigenda, fiskkaupenda og fiskiðnaðaraðila og fulltrúa íslenskra fiskseljenda, sem skýrt var frá í Mbl. fyrir helgi, felur í sér, að Íslendingar stuðli að sölu á um 20 þús. lestum af ísfiski árin 1974 og 1975 í V-Þýzkalandi, svo fremi að aflabrögð og markaðsaðstæður leyfi. Þýzku fulltrúarnir munu beita sér fyrir lækun löndunarkostnaðar íslenskra skipa í V-Þýzkalandi, og Íslendingum gefst kostur á aðild að stofnun þeirri, sem skipuleggur ísfisksölu þýzkra skipa í V-Þýzkalandi.

Fréttatilkynning frá Landssambandi ísl. útvegsmanna um viðræðurnar og samkomulagið fer hér á eftir:

Dagana 17. og 18. október s.l. fóru fram hér í Reykjavík viðræður milli fulltrúa þýzkra togaraeigenda svo og fiskkaupenda og annarra fiskiðnaðaraðila annars vegar og hins vegar Landssambands ísl. útvegsmanna, Félags ísl. botnvörpuskipa-eigenda, Sölumiðstöðvar hraðfrystihúsanna, Sjávarafurðadeildar S.I.S. og Sölusambands ísl. fiskframleiðenda hins vegar.

Viðræður þessar fóru fram að ósk íslensku og þýzku viðræðunefndanna, sem sátu fundi í Bonn 6. og 7. sept. s.l. um lausn fiskveiðideilunnar milli landanna.

Efni viðræðnanna var að fjalla um sölu á ísfiski til V-Þýzka-

lands, svo og viðskipti með freðfisk og saltfisk, í ljósi reynslu af þessum viðskiptum undanfarna áratugi og framtíðarmöguleika.

A fundinum náðist samkomulag

um, að Íslendingar stuðluðu að sölu á u.þ.b. 20 þús. tonnum af fiski 1974 og 1975, þó með því skilyrði að aflabrögð og markaðs-

Framhald á bls. 18

Göngudeild fyrir sykursjúka

Í NÆSTA mánuði verður væntanlega opnuð í Landspítalanum göngudeild fyrir sykursjúka. Verkefni deildarinnar verður að greina sjúkdóminn eftir ábendingu lækna og veita hinum sykursjúku alhliða og ævilanga fræðslu um sjúkdóminn og meðferð hans. Hefur Þórir Helgason verið ráðinn til að veita deildinni forstöðu.

Þessari göngudeild hefur verið komið á fót að frumkvæði Samtaka sykursjúkra, sem hafa frá stofnun, fyrir tveimur árum, haft þetta forgangsmál. Í samtökunum nú eru um 300 manns, en það er þó aðeins brot af þeim fjölda, sem á við sykursýki að stríða, því að áætluð tala þeirra á Reykjavíkarsvæðinu er milli 2500—3000. Tilgangur Samtaka sykursjúkra er m.a. að halda uppi fræðslu um

sykursýki, bæta félagslega aðstöðu sykursjúkra og vinna að því, að komið verði á fót sérhæfðri lækningastöð fyrir sykursjúka með sérmenntað starfslíð, en fyrsti áfangi þessa er nú að sjá dagsins ljós með göngudeildinni í Landspítalanum.

Stjórn samtakanna hefur frá upphafi átt ítarlegar viðræður við forráðamenn heilbrigðismála um göngudeildarmálið, og varaformaður samtakanna, Þórir Helgason læknir, samdi á sínum tíma greinargerð um málið. Telja samtökin, að með þessu átaki rofi til varðandi vandamál sykursjúkra og líta megi bjartari augum til framtíðarinnar.


Það kom fram á blaðamannafundi með stjórn samtakanna og fjárhagsnefnd, að ýmislegt

Sleggjudómar um Sverri Haraldsson í sjónvarpinu

„Kynningarþættir, en ekki gagnrýni” — segir Björn Th.

MORGUNBLAÐIÐ hefur orðið vart við óánægju fjölda fólks vegna órókstuddra sleggjudóma um Sverri Haraldsson listmálara í sjónvarpsþættinum Vöku s.l. laugardag. Af þeim sökum sneri blaðið sér til Björns Th. Björnssonar listfræðings, sem sér um myndlistarþátt Vöku ásamt Ólafi Kvaran, og spurði hann, hvort hann bæri ábyrgð á þættinum um Sverri.

„Ólafur Kvaran ber ábyrgð á þættinum um Sverri,” svaraði



Sverrir Haraldsson

Björn, „því ég hafði hvorki séð hann né heyrð fyrir en í sjónvarps- Framhald á bls. 18

Framkvæmd samkomulags

MARGIR HAGA spurt, hvornig framkvæmd hugsanlegs samkomulags við Breta í Landhelgisdeilunni yrði háttáð. Ólafur Jóhannesson lagði fram ákveðna tillög um það á fundinum í London, og tók Heathhanna nánast óbreytta upp í gagnstillögu sinni.

Á blaðamannafundi s.l. föstudag gerði forsætisráðherra grein fyrir því, hvornig skilja bæri þetta ákvæði samkomulagsgrundvallarins. Hann sagði, að íslenskt varðskip, sem stæði brezka togara að broti á samkomulagi, mundi setja út bauju, þar sem togarinn var að veiðum. Brezkt aðstoðarskip kæmi á vettvang til þess að sannreyna staðarákvörðun varðskipins. Íslenskt yfirvöld mundu fara eftir úrskurði varðskipins og svipta viðkomandi togara veiðileyfi með því að strika hann út af skrá yfir þau skip, sem leyfi fengju til veiða á Íslandsm. Ef Bretar draga staðarákvörðun varðskipa í efa, verða þeir að sækja það mál eftir venjulegum diplómátskum leiðum. Á blaðamannafundinum sagði Ólafur Jóhannesson, að ef íslenskir útgerðarmenn ættu að velja um þá skipan, sem venjulega gildir, að togari er færður til hafnar, skipstjóri sektaður og afl og veiðarfæri gerð upptæk eða það fyrirkomulag, sem gert er ráð fyrir í samkomulagi við Breta, að í raun er kveðinn upp dauðadómur yfir því skipi, sem brýtur samkomu-

lagið, væri hann ekki í vafa um, hvora leiðina þeir mundu heldur velja, því að ævarandi bann við veiðum á Íslandsmiðum væri mun strangari refsing en sektir.

Fámennir fundir „herstöðvar”-andstæðinga

UM HELGINA var efnt til funda á þremur stöðum á landinu um varnarmál, og stóðu fyrir fundinum Alþýðubandalag, SFV, SUF og SUJ. Þessir fundir hinna svonefndu „herstöðvarandstæðinga” voru mjög fámenntir og benda ekki til þess, að málstaður þeirra eigi hljómgrunn meðal almennings.

Fundarboðendur höfðu pantað stóra salinn í Selfossbíói, en þegar til kom, var fundurinn færður í litla salinn, og munu hafa sótt hann um 40 manns. A Sauðárkróki mættu um 30 manns, og urðu litlar sem engar umræður á fundinum. Í Búðardal mættu um 20 manns á fundinum. Athyglisvert er, að þessir fundir eru svo fámenntir, enda þótt fjórir stjórnsmálaflokkar eða samtök úr þeim standi fyrir fundunum sameiginlega og þeir hafi verið auglýstir mjög rækilega bæði í blöðum og útvarpi.



Stjórn og fjárhagsnefnd Samtaka sykursjúkra, Reykjavík: Helgi Hannesson, Hjalti Pálsson, Þórir Ólafsson, Magnús L. Sveinsson, María Ammendrup, Anna Snorradóttir og Jón Guðbjartsson.

fleira er á döfinni hjá samtökunum. Þannig hefur stjórnin nú samþykkt í tilefni af þeim merka áfanga, sem náðst hefur með stofnun göngudeildarinnar, að efna til fjársöfnunar til kaupa á blóðrannsóknartækjum, sem eru það fullkomin, að þau mæla á stundar-

fjórðungi insúlín í blóði fólks, og þarf þá ekki að bíða í marga daga eftir niðurstöðu rannsóknarinnar, en slíkt veitir sjúklingum meira öryggi. Tæki þetta mun kosta um 1,5 milljónir króna, og segja forráða-

Framhald á bls. 18